

Fu posto, per i Savii tutti, excepto sier Alvise di Prioli savio dil Consejo, sier Marin Justinian, sier Alexandro Loredan savii ai ordeni, atento le letere dil Provedador di l'armada che in la Dalmatia non si sente più novità di turchi, pertanto sia suspesa la deliberation presa di mandar 200 cavali in Dalmatia etc.; et a l'incontro questi tre messeno star sul preso e mandarli. Parlò sier Jacomo Dolfin savio ai ordeni, che più non ha parlato, et disse è bon spargnar la spesa et non levar questi cavali al presente de Italia atento le occorentie presente; li rispose sier Marin Justinian predito, dicendo non è da abandonar la Dalmatia, ma seguir le deliberation fate. Andò le do opinion: . . di Savii . . , dil Prioli e do Savii ai ordeni et questa fu presa.

Fu posto, per li Savii, atento fusse preso in questo Consejo, a di 20 Dezembrio passato, che per li ducati 2000 la Signoria ha dato a li heredi dil Gisi per li alumi etc., che li tentori e altri nominati in la parte debano contribuir a la dita spesa, *ut in parte*, et sia incantà per li Provedadori di comun. Et perchè 4 per nome di tentori scorzeri di la Zudeca e tentori di seda è comparsi a dir voleno pagar loro e non se incanti, però sia preso che i pagino la mità per tutto Octobre 1521, et l'altra mità in mexi 18 ogni 9 mesi la mità, in pena di 10 per 100, con certe clausule etc.: 152, 1, 5.

10' Fu posto, per li Consieri, atento domino Alexandro Guarin ferarese habbi comentà Catullo et lo voy far stampar in questa terra, a requisition dil ducha di Ferara li sia concesso quanto el domanda, che per anni 5 niun el possi far stampar sotto pena di ducati 10 per libro, la $\frac{1}{2}$ sia di esso Guarin, e l'altra mità di la Pietà, et con questo, debbi farlo imprimir in questa terra: 142, 2, 2.

Fu posto per li Savii: sono comparsi avanti la Signoria nostra i Procuratori sopra li Monti et ne hanno exposto che, essendo acressuto il caricho a li officiali de la camera d'Imprestedi, per ciò che dove prima pagavano el prò per Monte vechio et Monte novo, et hora prò di Monte novissimo, talmente che li tre presenti officiali non pono suprir a far tante cose senza gran confusion de la Signoria nostra, et che saria necessario azonzerli un quarto; et essendo ben a proposito, l'anderà parte che, per autorità di questo Consejo, sia eleto uno altro oficial a la dita camera con tutti i modi, condition e salario come hanno li altri; sichè *de cætero* siano quatro. Et trovandose uno novamente electo, ch'è il nobel homo sier Hironimo da cha' da Pexaro, quello deba intrar *de præsentì*, et cussì *successive* sia fato in loco de

li presenti quando compirano; sichè siano 4, come di sopra è dito. E la presente parte non se intendi presa se la non sarà *etiam* posta et presa nel nostro Mazor Consejo. Ave 165, 11, 0; poi a di 17 fu posta in Gran Consejo, ave 883, 49, 6.

A di 15. La matina non fo letera alcuna; *solum* 11 se intese le galie di Barbaria esser stà lassate a Curzola.

Da poi disnar, fo Pregadi a requisition di Savii ai ordeni per meter le galie di viazi et far li Savii ai ordeni.

Vene el Principe, nè fo leto letera alcuna.

Fo provà li patroni de le galie di Fiandra, et rimaseno:

1 Sier Thomà Premarin di sier Nicolò . . .	169.20
3 Sier Piero Donado qu. sier Alvise . . .	189. 1
2 Sier Sebastian Falier qu. sier Thomà . . .	176. 7

Fo fato eletion di cinque Savii ai ordeni; li nominati sarano qui avanti posti. Io non vi fui in Pregadi.

Fu posto, per li Savii ai ordeni, in bona gratia, do galie al viazo di Baruto con ducati 1000 per una di don, zoè ducati 500 di X Officii, habino a provarsi et meter banco a di 25 Zugno, e il capitano parti a di 25 Lujo; non tochi Rhodi se non col Consejo di XII; la muda sia per tutto Setembrio sotto pena a li patroni di perder i noli, e il capitano nel ritorno non possi esser aldido, e sia commesso a li Avogadori. *Item*, habino la mità di noli di la Romania alta e bassa di l'anno 1502. Fu presa. Ave 183, 9, 0.

Fu posto, per li diti, do galie al viazo di Alexandria con don ducati 1000 sora i officii, excepto debitori di sali, 500 di le Cazude et 500 X Officii. Habino a provarsi per tutto April, metino banco a di 10 Zugno, confinà il capitano in galia a di 10 Lujo, e partino etc., e la muda sia per tutto Setembrio, e l'armiraio si lievi, e li patroni habino li noli de la Romania alta e bassa dil 1522. *Item*, non possi in Alexandria nolizar con mori magrabini, ni quelli levarli su le galie: 178, 8, 8.

Fo leto uno grazia di Alvixe Anzelieri qu. Jacomo, qual è debitor di la Signoria nostra di perdeda di daci di pistori: sia suspenso li soi debiti per anni do, e dil suo salario l'ha a la Messetaria, ch'è ducati 30 a l'anno, vol dar la mità per conto di tal debito.

Et fu posto, per li Consieri, Cai di XL e Savii, suspender li soi debiti per do anni; et fu presa. Ave 187, 16, *videlicet* con la condition.